

醫方類聚卷之二十九

傷寒門 三

千金翼方

傷寒熱病自古有之名賢濬哲多所防禦至  
於仲景特有神功尋思旨趣莫測其致所以  
醫人未能鑽仰嘗見太醫療傷寒惟大青知  
母等諸冷物投之極與仲景本意相反湯藥  
雖行百無一效傷其如此遂披傷寒大論鳩  
集要妙以爲其方行之以來未有不驗舊法

方證意義幽隱乃令近智所迷覽之者造次  
難悟中庸之士絕而不思故使閭里之中歲  
致夭枉之痛遠想令人慨然無已今以方證  
同條比類相附須有檢討倉卒易知夫尋方  
之大意不過三種一則桂枝二則麻黃三則  
青龍此之三方凡療傷寒不出之也其柴胡  
等諸方皆是吐下發汗後不解之事非是正  
對之法術數未深而天下名賢止而不學誠  
可悲夫又有僕隸卑下冒犯風寒天行疫癘

先被其毒憫之酸心聊述茲意爲之救法方  
雖是舊弘之惟新好古君子嘉其博濟之利  
無嗤誚焉

### 傷寒宜忌

#### 忌發汗

少陰病脉細沉數病在裏忌發其汗  
脉浮而緊法當身體疼痛當以汗解假令尺  
中脉遲者忌發其汗何以知然此爲榮氣不  
足血氣微少故也



少陰病脉微忌發其汗無陽故也

咽中閉塞忌發其汗發其汗卽吐血氣微絕  
逆冷

厥忌發其汗發其汗卽聲亂咽嘶舌萎

太陽病發熱惡寒寒多熱少脉微弱則無陽  
也忌復發其汗咽喉乾燥者忌發其汗

亡血家忌攻其表汗出則寒慄而振

衄家忌攻其表汗出必額上促急

汗家重發其汗必恍惚心亂小便已陰疼

淋家忌發其汗發其汗必便血

瘡家雖身疼痛忌攻其表汗出則瘡

冬時忌發其汗發其汗必吐利口中爛生瘡  
欬而小便利若失小便忌攻其表汗則厥逆  
冷

太陽病發其汗因致瘧

宜發汗

大法春夏宜發汗

凡發汗欲令手足皆周縶縶一時間益佳不

欲流離若病不解當重發汗汗多則亡陽陽  
虛不得重發汗也

凡服湯藥發汗中病便止不必盡劑也

凡云宜發汗而無湯者丸散亦可用然不如  
湯藥也

凡脈浮者病在外宜發其汗

太陽病脈浮而數者宜發其汗

陽明病脈浮虛者宜發其汗

陽明病其脈遲汗出多而微惡寒者表爲未

解宜發其汗

太陰病脈浮宜發其汗

太陽中風陽浮而陰濡弱浮者熱自發濡弱  
者汗自出漑漑惡寒淅淅惡風翕翕發熱鼻  
鳴乾嘔桂枝湯主之

太陽頭痛發熱身體疼腰痛骨節疼痛惡風  
無汗而喘麻黃湯主之

太陽中風脈浮緊發熱惡寒身體疼痛不汗  
出而煩躁大青龍湯主之



少陰病得之二三日麻黃附子甘草湯微發汗

忌吐

大陽病惡寒而發熱今自汗出反不惡寒而發熱關上脉細而數此吐之過也

少陰病其人飲食入則吐心中溫溫欲吐復不能吐始得之手足寒脉弦遲若膈上有寒飲乾嘔忌吐當溫之

諸四逆病厥忌吐虛家亦然

宜吐

大法春宜吐

凡服吐湯中病便止不必盡劑也

病如桂枝證其頭項不强痛寸口脉浮胃中病堅上撞咽喉不得息此爲有寒宜吐之病胃上諸實胃中鬱鬱而痛不能食欲使人按之而反有涎唾下利日十餘行其脉反遲寸口微滑此宜吐之利卽止少陰病其人飲食入則吐心中溫溫欲吐復

不能吐宜吐之病者手足逆冷脉乍緊邪結在胃中心下滿而煩飢不能食病在胃中宜吐之宿食在上管宜吐之

忌下

咽中閉塞忌下下之則上輕下重水漿不下諸外實忌下下之皆發微熱亡脉則厥諸虛忌下下之則渴引水易愈惡水者劇脉數者忌下下之必煩利不止尺中弱澀者復忌下

脉浮大醫反下之此爲大逆

太陽證不罷忌下下之爲逆

結胃盛其脉浮大忌下下之卽死

太陽與陽明合病喘而胃滿者忌下

太陽與少陽合病心下痞堅頸項強而眩忌

下

凡四逆病厥者忌下虛家亦然

病欲吐者忌下

病有外證未解忌下下之爲逆



少陰病食入卽吐心中溫溫欲吐復不能吐始得之手足寒脉弦遲此胃中實忌下傷寒五六日不結胃腹濡脉虛復厥者忌下下之亡血則死

宜下

大法秋宜下

凡宜下以湯勝丸散

凡服湯下中病則止不必盡三服陽明病發熱汗多者急下之

少陰病得之二三日口燥咽乾者急下之

少陰病五六日腹滿不大便者急下之

少陰病下利清水色青者心下必痛口乾者宜下之

下利三部脉皆浮按其心下堅者宜下之

下利脉遲而滑者實也利未欲止宜下之

陽明與少陽合病利而脉不負者爲順脉數而滑者有宿食宜下之

問曰人病有宿食何以別之荅曰寸口脉浮

大按之反澀尺中亦微而澀故知有宿食宜下之

下利不欲食者有宿食宜下之

下利差至其時復發此為病不盡宜復下之

凡病腹中滿痛者為寒宜下之

腹滿不減減不足言宜下之

傷寒六七日目中不了了睛不和無表裏證

大便難微熱者此為實急下之

脉雙弦而遲心下堅脉大而緊者陽中有陰

宜下之

傷寒有熱而少腹滿應小便不利今反利此為血宜下之

病者煩熱汗出即解復如瘧日晡所發者屬陽明脉實者當下之

宜溫

大法冬宜服溫熱藥

師曰病發熱頭痛脉反沉若不差身體更疼痛當救其裏宜溫藥四逆湯



下利腹脹滿身體疼痛先溫其裏宜四逆湯  
 下利脉遲緊為痛未欲止宜溫之  
 下利脉浮大者此為虛以強下之故也宜溫  
 之與水必噦  
 少陰病下利脉微澀嘔者宜溫之  
 自利不渴者屬太陰其藏有寒故也宜溫之  
 少陰病其人飲食入則吐心中溫溫欲吐復  
 不能吐始得之手足寒脉弦遲若膈上有寒  
 飲乾嘔宜溫之

少陰病脉沉者宜急溫之  
 下利欲食者宜就溫之

忌火

傷寒加火針必驚

傷寒脉浮而醫以火迫劫之亡陽必驚狂臥  
起不安

傷寒其脉不弦緊而弱弱者必渴被火必譫  
語

太陽病以火熏之不得汗其人必躁到經不

解必清血

陽明病被火額上微汗出而小便不利必發黃

少陰病欬而下利譫語是爲被火氣劫故也小便必難爲強責少陰汗也

宜火

凡下利穀道中痛宜炙枳實若熬鹽等熨之

忌灸

微數之脈慎不可灸因火爲邪則爲煩逆

脈浮當以汗解而反灸之邪無從去因火而盛病從腰以下必重而痺此爲火逆

脈浮熱甚而反灸之此爲實實以虛治因火而動咽燥必唾血

宜灸

少陰病一二日口中和其背惡寒宜灸之

少陰病吐利手足逆而脈不足灸其少陰七壯

少陰病下利脈微澀者卽嘔汗者必數更衣



反少者宜溫其上灸之

一云灸厥陰五十壯

下利手足厥無脈灸之主厥厥陰是也灸不

溫反微喘者死

傷寒六七日其脈微手足厥煩躁灸其厥陰

厥不還者死

脈促手足厥者宜灸之

### 忌刺

大怒無刺

新內無刺

大勞無刺

大醉無刺

大飽無刺

大渴無刺

大驚無刺

無刺熇熇之熱無刺淥淥之

汗無刺渾渾之脈無刺病與脈相逆者

上工刺未生其次刺未盛其次刺其衰工逆

此者是謂伐形

### 宜刺

太陽病頭痛至七日自當愈其經竟故也若

欲作再經者宜刺足陽明使經不傳則愈

太陽病初服桂枝湯而反煩不解宜先刺風

池風府乃却與桂枝湯則愈

傷寒腹滿而譫寸口脉滑而緊者此爲肝乘脾名曰縱宜刺期門

傷寒發熱濇濇惡寒其人大渴欲飲馘漿者其腹必滿而自汗出小便利其病欲解此爲肝乘肺名曰橫宜刺期門

陽明病下血而譫語此爲熱入血室但頭汗出者刺期門隨其實而寫之

太陽與少陽合病心下痞堅頸項強而眩宜刺大椎肺俞肝俞勿下之

婦人傷寒懷身腹滿不得小便加從腰以下重如有水氣狀懷身七月太陰當養不養此心氣實宜刺寫勞宮及關元小便利則愈傷寒喉痺刺手少陰穴在腕當小指後動脉是也針入叁之補分少陰病下利便膿血者宜刺

### 忌水

發汗後飲水多者必喘以水灌之亦喘

下利其脉浮大此爲虛以強下之故也設脉



浮革因爾腸鳴當溫之與水必噦

太陽病小便利者爲水多心下必悸

### 宜水

太陽病發汗後若大汗出胃中乾燥煩不得

眠其人欲飲水當稍飲之令胃氣和則愈

厥陰渴欲飲水與水飲之卽愈

嘔而吐膈上者必思煮餅急思水者與五苓散飲之水亦得也

### 千金月令

二月之節桃始華是月也二日不欲眠是月也無製中衣無或殺兔不可以釋絛襦不可以食生冷宜服紅雪多時行之疾凡時行傷寒有陰有陽不可悞瘥陰傷寒者反於陽也陽傷寒者表裏相應心熱則口乾苦肝熱則眼赤脾熱則消澁腎熱則耳熱赤肺熱則鼻乾胃熱則嘔逆大腸熱則大便澁小腸熱則小便赤少皮膚熱則身體熱反此者爲陰傷寒凡傷寒皆是冬中冒寒至春暖乃發動當

初春尤不可大寒凡春分之後方解緜衣初得傷寒壯熱宜發汗增寒宜吐五日六日已上宜瀉凡傷寒脉狀微不可吐脉虛細不可瀉脉弱心煩目運嘔逆咽塞及冷欲拳並不發汗不惡寒身不疼痛亦不可發汗頭不痛脉不緊數不可瀉凡不惡寒不疼痛者但以竹葉湯卽愈若嘔卽與橘皮湯當愈凡傷寒後虛煩亦宜服之夏月亦不可瀉凡傷寒時氣病五六日大渴欲水則勿與之所以者

腹中熱少與則不能消之至七八日大渴欲水者與之勿令極足若腹滿小便及喘者慎不得飲水凡頭痛胃滿者吐卽差肚脹身重骨節疼痛瀉卽差凡發汗汗徧卽止不可令霖霖得汗後以粉摩之不可令自乾凡出汗令徧身不可令氣不通流凡惡寒不可忍寒宜稍取暖凡心下硬不可食冷物瀉後亦不可多食冷物謂陽傷寒者體熱頭痛是也此謂熱出在外也謂陰傷寒者不壯熱不頭痛



是也陰傷寒不可錯治錯治者十不得二三不可不慎也大要覺是浮熱熱在皮膚卽宜發汗覺是實熱在藏中卽宜瀉必先審之聖惠方

### 傷寒敘論

春氣溫和夏氣暑熱秋氣清涼冬氣冰冽此四時正氣之序也冬時嚴寒萬類深藏君子固密則不傷於寒或觸冒之者乃爲傷寒爾其傷於四時之氣皆能爲病而以傷寒爲毒

者以其最爲殺厲之氣焉卽病者名曰傷寒不卽病者其寒毒藏於肌骨中至春變爲溫病至夏變爲暑病暑病者熱重於溫也是以辛苦之人春夏多有溫病溫病者皆由冬時觸冒寒氣所致非天行之氣也凡天行者爲春時應暖而反大寒夏時應熱而反大冷秋時應涼而反大熱冬時應寒而反大溫此非其時而有其氣是以一歲之中長幼之病多相似者此則天行之氣也又土地寒熱溫涼

高下不同物性剛柔餐居亦異是故黃帝與  
四方之問岐伯舉四療之能以訓後賢開其  
未悟臨病之工宜須詳審也又千金云人生  
天地之間命有遭逢時有否泰吉凶悔吝苦  
樂安危喜怒哀憎存亡憂畏關心之慮日有  
千條謀身之道時有萬計乃度一日是故天  
無一歲不寒暑人無一日不憂喜故有天行  
溫疫病者則天地變化之一氣也斯蓋造化  
必然之道不得無畏故聖人雖有補天立極

之德而不能廢之雖不能廢之而能以道御  
之其次有賢人善於攝生調和擗節與時推  
移亦得保全天地有斯瘴癘還以天地所生  
之物以防備之命曰知方則病無所侵矣然  
此病也俗人謂之橫病多不解療皆云曰滿  
白差以此致枉者天下太半凡始覺不自復  
須救療若至於病卽湯食競進折其毒勢自  
然而差必不可令病氣自在恣息攻人拱手  
待斃斯爲誤矣夫得病一日在皮當摩膏火



灸淋浴發汗則愈若不解者二日在膚可法  
針服解肌散發汗汗出則愈若不解至三日  
復一發汗則愈若不解者則勿復發汗也至  
四日在胃宜服赤小豆瓜蒂散吐之則愈至  
五日在腹六日入胃則可下之若熱在胃外  
如誤下之其熱承虛入胃然病要須下者又  
不得留於胃中也若胃實者熱毒爲病三死  
一生若胃虛者熱毒入胃卽胃爛矣微者赤  
斑出此候五死一生劇者黑斑出此候十死

一生以病人各有強弱人有難易得効相倍  
也若得傷寒病無熱但狂言煩躁不安精采  
言語與人不相主當勿以火導但以五苓散  
三二錢服之可與新汲水一升或一升半可  
至二升強飲之指刺喉中吐之隨手便愈若  
不便吐者此病皆多不善勿以餘藥吐也又  
此病不急以猪苓散及吐解之者其斃速爾  
可先以發表之藥尤佳病者過日不已則不  
是熱不可下之下之者熱毒承虛入胃亦令

胃爛斑出也又春夏無大吐下秋冬無大發汗若冬及始春天寒宜服神丹丸亦可摩膏火灸若末春夏月初秋凡此熱月不宜火灸又不宜厚覆宜服六味青散若無丸散及煎但用柴胡數兩煎服傷寒時行皆可服也亦可以發汗藥發汗不但一也直至再三發汗不解者當與湯實者宜轉下之其脉朝夕駛者爲實癰也朝平夕駛非癰也轉湯可早與服但當少與勿令下多其間諸虛煩熱者與

傷寒相似然不惡寒身不疼痛故知非傷寒也不可發汗若頭不痛脉不緊數故知非裏實不可下也如此外內皆不可攻而醫強攻之必致危損多死難痊也虛煩者但當與竹葉湯若嘔者與橘皮湯不愈可重與服也若得病連服湯藥發汗汗不出者皆死病也凡難得汗者可蒸之如蒸中風法蒸濕之氣於外迎之不得不汗出也凡病發熱惡寒脉洪者便宜發汗後以粉粉之勿令著風若當發



汗而其人適已失血及大下利者雖不可汗  
如此者數與桂枝湯使體中漿漿汗出連日  
如此自當解也夫表和裏病下之則愈汗之  
則死裏和表病汗之則愈下之則死夫如是  
則神丹不可以誤發甘遂何可以妄攻然則  
桂枝下咽表和則愈承氣入胃裏平則在明  
常消息病之狀候不可亂投湯藥虛其胃氣  
也經言脈微不可吐虛細不可下此醫之大  
禁也凡脈有浮沉轉能變化或人得病數日

方以告醫雖云初覺視病已積日矣其疾源  
已成非發汗所解當診其脈隨時救療必得  
差也不可苟以次第爲之失其機要乃致禍  
矣傷寒病三日已內發汗者謂當風解衣夜  
臥失覆寒溫所攻賊風相染易爲惡邪所中  
也至於人自飲食生冷過度腹藏不消轉動  
稍難頭痛身熱其脈實大者便可吐下不可  
發汗也凡人有小病覺不如常則須早療若  
隱忍不療冀望自差須臾之間以成痼疾小

兒女子益以滋甚若天行不和當自戒勒小  
有不安便須救療尋其邪由及在腠理湯散  
以時鮮有不愈者若患數日乃說邪氣入藏  
則難可制雖和緩之功亦無能爲也凡天行  
病五六日而渴欲飲水者未宜多與也爲腹  
中熱氣尙少不能消之便更與人作病深矣  
若至七八日大渴欲飲水者然當與之常令  
不足勿極意也云能飲一斗者而與五升若  
飲水腹滿小便不利若喘若噦者不可與之

澌然大汗出者已愈也凡人得病能飲水者  
爲欲愈也若小渴而強與之因此成禍者其  
數極衆凡傷寒病若錯醫療禍如反掌其病  
有相類者傷寒熱病風溫濕病陰毒溫疫天  
行時氣死生不同形候亦別宜審而詳也

傷寒受病日數次第病證

傷寒一日手太陽受病太陽者小腸之經也  
爲三陽之首故先受病其脉絡於腰脊主於  
頭項故得病一日頭項腰脊痛也傷寒二日



足陽明受病陽明者胃之經也主於肌肉其  
脉絡於鼻入於目故得病二日肉熱鼻乾不  
得眠也諸陽在表表始受病在皮膚之間故  
可摩膏火灸發汗而愈也凡五藏不和六腑  
不通榮衛不行如是之後三日乃死何也夫  
足陽明者胃之脉也十二經之長也其氣血  
盛故不通三日其氣乃盡故死爾其未滿三  
日者可汗而已其滿三日者可下而已也傷  
寒三日足少陽受病少陽者膽之經也其脉

循於脇上於頸耳故得病三日胃脇熱而耳  
聾也三陽經絡始相傳病未入於藏可汗而  
解也傷寒四日足太陰受病太陰者脾之經  
也爲三陰之首是故三日已後陽受病訖傳  
之於陰而太陰受病焉其脉絡于脾主於喉  
嗌故得病四日腸滿而噤乾其病在胃膈故  
可吐而愈也傷寒五日足少陰受病少陰者  
腎之經也其經貫腎絡肺繫於舌故得病五  
日口熱舌乾渴而引水也其病在腸故可下

而愈矣傷寒六日足厥陰受病厥陰者肝之經也其脉循陰絡於肝故得病六日煩滿而陰縮也此則陰陽俱受病毒氣在胃可下而愈矣七日太陽病衰頭痛小愈又傷寒七日病法當小愈陰陽諸經傳病終故也今七日已後病反甚者欲爲再經病也再經病者經絡重受病也傷寒八日陽明病衰身熱小愈又八日不解者或是諸陰陽經絡重受於病或因發汗吐下之後毒氣未盡所以病證猶

在也傷寒九日少陽病衰耳聾微聞又傷寒九日已上病不除者或初一經受病則不能相傳或已傳三陽訖而不能傳於陰致停滯累日病證不解故日數多而病候改變也傷寒十日太陰病衰腹胃如故則思欲飲食傷寒十一日少陰病衰渴止不煩滿舌乾已也傷寒十二日厥陰病愈囊縱小腹微下毒氣皆去病日已矣

辨太陽病形證



傷寒一日太陽受病若脉靜者未傳諸藏煩躁欲吐脉急數者乃傳別藏也宜桂枝湯  
太陽爲病頭痛項強而惡寒其脉浮數宜桂枝湯  
太陽中風發熱而惡寒宜桂枝湯  
太陽病中風其脉陽浮而弱浮者熱自發弱者汗自出漉漉惡寒翕翕發熱鼻鳴乾嘔宜桂枝湯  
太陽病發熱汗出此爲榮弱衛強故使汗出欲去其邪更宜服桂枝湯

太陽病若下之其氣必上衝可與桂枝湯  
太陽病發其汗汗出不止者其人必惡寒小便難四肢拘急者宜桂枝附子湯  
太陽病若下之其脉促胃中滿宜桂枝湯  
太陽病外證未解不可下也宜以桂枝湯發其汗  
太陽病下之不愈其脉浮者爲在外汗之則愈宜桂枝湯  
太陽病服桂枝湯煩熱不解者當先針風池

風府穴乃與桂枝湯即愈

太陽病自汗出此爲榮氣和衛氣不和榮行  
脈中衛行脈外復發其汗表和即愈宜桂枝  
湯

太陽病時自發熱汗出不愈者此衛氣不和  
也當更發汗即愈宜桂枝湯

太陽病發汗已解半日後復煩躁其脈浮數  
者可復發其汗宜桂枝湯

太陽與陽明合病喘而胃滿不可下也宜麻

### 黃湯

太陽病脈浮緊無汗發熱身痛心煩目瞑劇  
者必衄衄者欲解也宜麻黃湯

太陽病頭痛發熱身體骨節疼痛惡風無汗  
而喘者宜麻黃湯

太陽病脈浮而數者可發其汗宜麻黃湯

太陽與陽明合病而自利宜術附湯

太陽與陽明合病而不利但嘔者宜葛根半

夏湯



太陽病頂背強無汗而惡風者宜麻黃湯  
太陽中風脈浮緊發熱惡寒身體疼痛宜大  
青龍湯

太陽病脈浮緩其身不疼但重或有輕時無  
少陽證者可大青龍湯

太陽病表不解心下有水氣乾嘔發熱或渴  
或利小腹滿或喘者宜小青龍湯

太陽病發汗汗解後其人仍發熱心下悸頭  
眩身體瞶動宜玄武湯

太陽病不解結熱在膀胱其人如狂其血自  
下其外不解尚未可攻當解其外宜桂枝湯  
外已解小腹結者乃可攻之宜桃人承氣湯  
太陽病反下之遂利不止汗出者宜葛根黃  
連湯

太陽病吐下發汗後而微煩小便數大便堅  
可小承氣湯

太陽病發汗大汗出胃乾煩躁不得眠其人  
欲飲水當稍稍飲之令胃氣和即愈脈浮小

類聚三十一  
二十五  
便利微熱渴者宜五苓散

太陽病發汗後脈浮而數復渴者宜五苓散

太陽病汗出而渴宜五苓散不渴宜茯苓湯

太陽與少陰合病而自利者宜黃芩湯嘔者

加半夏生薑湯

太陽病發汗後腹脹滿者宜厚朴湯

太陽病汗後心下痞滿宜瀉心湯

太陽病汗出後胃中不和心下痞堅乾噦食

臑脇下有水氣腹中雷鳴而利宜半夏瀉心

湯

太陽病外未解數下之遂夾熱而利利不止

心下痞滿表裏不解宜桂枝人參湯

辨陽明病形證

傷寒二日陽明受病陽明者胃中寒是也宜

桂枝湯

太陽病而發汗汗雖出復不解不解者轉屬

陽明也宜麻黃湯

陽明病外證身熱汗出而不惡寒但惡熱宜



柴胡湯

陽明中風頭痛口苦腹滿微喘發熱惡寒脉浮而緊下之卽小便難宜桂枝麻黃湯  
陽明中寒不能食小便不利手足澀然汗出欲作堅癥也所以然者胃中水穀不化故也  
宜桃人承氣湯

陽明病

不解其人不能食攻其熱必

噦者胃中虛冷也宜半夏湯

陽明病脉遲發熱頭眩小便難此欲作黃疸

下之必腹滿宜柴胡湯

陽明病當多汗而反無汗身如蟲行皮中之狀此爲久虛故也宜朮附湯

冬陽明病反無汗但小便利嘔而欬手足厥其頭必痛宜建中湯

冬陽明病脉浮而緊必發潮熱其脉浮者宜黃芩湯

陽明病無汗小便不利心中熱壅必發黃也宜茵陳湯

陽明病被火灸其額上微有汗出小便不利者必發黃也宜茵蔯湯

陽明病口乾但漱水不欲咽者必鼻衄也宜黃芩湯

陽明病若小便少者津液當還入胃中故也凡發汗太過故令大小便難宜茯苓湯

陽明病當心下堅滿不可下之宜半夏湯

陽明病不吐下而煩者可與承氣湯

陽明病其脈遲雖汗出不惡寒其體必重腹

滿而喘有潮熱可攻其裏手足濇然汗出爲大便已堅宜承氣湯

陽明病若汗出多而微惡寒爲外未解無潮熱不可與承氣湯也若腹大便難可與小承氣湯和其胃氣勿令下多

陽明病有潮熱大便堅可與承氣湯若有結燥乃可徐徐攻之若無壅滯不可攻之攻之者必腹滿不能食欲飲水者卽噦其候發熱必腹堅脹宜與小承氣湯



陽明病其人多汗津液外出胃中乾燥大便必堅堅者則譫語宜與承氣湯

陽明病譫語妄言發潮熱其脈滑疾者宜承氣湯

陽明病脈浮咽乾口苦腹滿汗出而喘不惡寒反惡熱心躁譫語不得眠胃虛客熱舌燥宜梔子湯

陽明病若脈浮發熱渴而欲飲水小便不利宜猪苓湯

陽明病若脈浮遲表熱裏寒下利水穀宜四逆湯

陽明病若胃中虛冷其人能食飲水即噦脈浮發熱口鼻中燥能食者必衄宜黃芩湯

陽明病汗出而多渴者不可與猪苓湯汗多者胃中燥也汗少者宜與猪苓湯利其小便陽明病因下之其外有熱手足溫者心中煩壅飢而不能食頭有汗出宜梔子湯  
陽明病發潮熱大便溏小便自利胃脇煩滿

不止宜小柴胡湯

陽明病脇下堅滿大便秘而嘔口燥宜柴胡湯

陽明病中風其脈浮大短氣心痛鼻乾嗜卧不得汗一身悉黃小便難有潮熱而噦耳前後腫刺之雖小差外若不解宜柴胡湯

陽明病其脈遲汗出多而微惡寒爲表未解宜桂枝湯

陽明病脈浮無汗其人必喘當須發汗宜麻

黃湯

陽明病發熱而汗出此爲熱退不能發黃也但頭汗出身體無汗小便不利渴引水漿此爲瘧熱在裏必發黃也宜茵陳湯  
陽明病其人喜妄必有稽血爲本有瘧熱大便必秘宜抵當湯

陽明病脈實者當下脈浮虛者當汗下者宜承氣湯汗者宜桂枝湯

陽明病發作有時汗不解腹滿痛宜承氣湯



陽明與少陰合病而自利脉浮者爲順也滑而數者有宿食宜承氣湯

陽明病脉浮發熱無汗表不解渴欲飲水宜白虎湯

辨少陽病形證

傷寒三日少陽受病口苦乾燥目眩宜柴胡湯

少陽病脇下堅滿乾嘔不能飲食往來寒熱若未吐下其脉沉緊可與柴胡湯

少陽病若已吐下發汗譫語服柴胡湯若不解此欲爲狂病隨其證而治之

少陽中風兩耳無所聞目赤胷中滿而煩不可吐下吐下則悸而驚宜柴胡湯

傷寒病脉弦細頭痛而發熱此爲屬少陽少陽不可發汗則譫語爲屬胃胃和卽愈不和卽煩而悸宜柴胡湯

傷寒三日無大熱其人煩燥此爲陽去入陰故也宜茯苓湯

辨太陰病形證

傷寒四日太陰受病腹滿吐食下之益甚時  
時腹痛心胃堅滿若脉浮者可發其汗沉者  
宜攻其裏也發汗者宜桂枝湯攻裏者宜承  
氣湯

太陰中風四肢煩疼其脉陽微陰澀而長爲  
欲愈也宜青龍湯

太陰病利而不渴者其藏有寒當溫之以四  
逆湯

傷寒脉浮而緩手足自溫是爲繫在太陰小  
便不利其人當發黃宜茵陳湯

太陰病不解雖暴煩下利十餘行而自止所  
以自止者脾家實腐穢已去故也宜橘皮湯  
太陰病下之後腹滿時痛宜桂心芍藥湯若  
太實腹痛者宜承氣湯下之

辨少陰病形證

傷寒五日少陰受病其脉微細但欲寐其人  
欲吐而不煩五日自利而渴者屬陰虛故引



水以自救小便白而利者下焦有虛寒故不能制水而小便白也宜龍骨牡蠣湯

少陰病欬而下利譫語是爲心藏有積熱故也小便必難宜猪苓湯

少陰病脉細沉數病在裏不可發其汗宜承氣湯

少陰病下利止惡寒而蹇手足溫者可治也宜建中湯

少陰病惡寒而蹇時時自煩不欲厚衣宜大

柴胡湯

少陰病而一身手足盡熱熱在膀胱必便血也宜黃芩湯

少陰病其人吐利手足不逆反發熱者宜葛根半夏湯

少陰病始得之其人發熱脉反沉者宜麻黃附子湯

少陰病身體痛手足寒脉沉者宜四逆湯  
少陰病下利便膿血者宜桃花湯

少陰病其人吐利手足逆煩躁者宜吳茱萸湯

少陰病下利咽痛脅滿心煩宜豬苓湯

少陰病咽痛者可甘草桔梗湯

少陰病下利宜白通湯

少陰病下利服白通湯止後厥逆無脈煩躁

者宜白通豬苓湯其脈暴出者死微微續出

者生

少陰病四肢心腹痛小便不利或欬或嘔此

為有水氣宜玄武湯

少陰病下利水穀裏寒外熱手足厥逆脈微

欲絕身反惡寒其人面赤或腹痛或乾嘔或

咽痛或時利止而脈不出者宜四逆湯

少陰病下利欬而嘔煩渴不得眠卧宜豬苓

湯

少陰病口燥咽乾急下之宜承氣湯

少陰病利清水色青者心下必痛口乾燥者

宜大柴胡湯



少陰病其人腹滿不大使者急下之宜承氣湯

少陰病其脉沉者急當溫之宜四逆湯

少陰病其人飲食則吐心中溫溫欲吐復不

能吐手足寒脉弦遲此胃中實不可下也當

宜吐之宜瓜蒂散

少陰病若膈上有寒飲乾嘔者不可吐當溫

之以四逆湯

辨厥陰病形證

傷寒六日厥陰受病其脉微浮為欲愈不浮

為未愈也宜建中湯

傷寒六日渴欲飲水者宜猪苓湯

傷寒六日煩滿而囊縮此則毒氣在藏可下

而愈宜小承氣湯

傷寒六日身體熱惡風頸項強脇下滿手足

溫而渴宜小柴胡湯

傷寒六日陽脉澀陰脉弦當腹中急痛先與

小建中湯不差宜大柴胡湯

傷寒六日發汗吐下後虛煩不得眠劇者心神顛倒宜服梔子湯

傷寒六日已發汗及下之其人胃脇滿大腸微結小腸不利而不嘔但頭汗出往來寒熱而煩此爲未解宜小柴胡桂枝湯

傷寒六日發熱微惡寒肢節煩疼心下支滿外證未去宜柴胡桂枝湯

傷寒六日大下之後身熱不去心中結痛此爲欲解宜梔子湯

傷寒六日下之胃滿煩驚小便不利譫語一身不可轉側宜柴胡湯

傷寒六日不解結熱在裏但熱時時惡風大渴舌乾煩躁宜白虎湯

傷寒六日風濕相搏身體疼痛不能轉側脉浮虛而濇宜朮附湯

傷寒病六日後至八日九日如瘧熱多寒少一日再發其脉微緩者爲欲愈脉微而惡寒者爲陰陽俱虛不可復吐下也發汗面色赤



有熱者爲欲解宜服桂枝麻黃湯

辯傷寒熱病兩感證候

夫熱病者皆傷寒之類也或愈或死其死皆以六七日間其愈皆以十日已上者何也夫巨陽者諸陽之屬也其脉連於風府故爲諸陽主氣人之傷於寒也故則爲病熱雖甚不死其兩感於寒而病者必死夫兩傷於寒病者一日則巨陽與少陰俱病故頭痛口乾煩滿而渴手太陽是心之經也二日足陽明與

足太陰俱病則腹滿體熱不食譫言足陽明胃之經

足太陰脾之經也三日則足少陽與足厥陰俱病則

耳聾囊縮水漿不入口則不知人六日而死

矣足少陽膽之經也是爲六經陰陽表裏者

也陽爲腑主表陰爲藏主裏藏腑俱病故曰

兩感三日而死者爲一日兩經受病故云兩

感是表裏俱病故六日而死矣

傷寒熱病不可治形候

傷寒三部脉陰陽俱盛大汗出不解者不可

治

傷寒陰陽俱虛熱不止者不可治

傷寒脉至乍數乍踈者不可治

傷寒譫言妄語身有熱脉浮大手足溫者生

脉沉細手足逆冷者不可治

傷寒欬而上氣其脉散者不可治

傷寒熱盛脉浮大者生沉小者不可治

傷寒已得汗脉沉小者生浮大者不可治

傷寒譫語直視而喘者不可治

傷寒下利痲逆躁不能臥者不可治

傷寒發熱不利至痲不反者不可治

傷寒病惡寒踈而利手足逆者不可治

傷寒五六日脉微細沉但欲卧汗出不煩時

自吐利復煩躁不得臥寐者不可治

傷寒六七日喘息高者不可治

傷寒發汗不出若大瀉發者不可治

傷寒洩而腹滿甚者不可治

傷寒目不明熱不已者不可治



傷寒老人嬰兒熱而腹滿者不可治

傷寒汗不出嘔血者不可治

傷寒舌本爛熱不已者不可治

傷寒欬血而衄汗不出出不至足者不可治

傷寒髓熱者不可治

傷寒熱而瘧者不可治

傷寒熱病腰折瘳癡齒噤者不可治

傷寒下利後脉絕手足厥冷脉不還者不可

治

傷寒四逆惡寒脉不至其人不熱而躁者不

可治熱病脉代者一日死

熱病二三日身體熱腹痛頭痛食飲如故脉

直而疾者至八日不可治

熱病三四日腰已下不得汗脉天疾者生脉

細小難得者不可治

熱病四五日頭不熱腹不痛而吐脉來微細

至十二日不可治

熱病七八日其脉微小便如黑口乾脉代舌

焦乾黑者不可治

熱病七八日脉微小病人便血口中乾一日半而死

熱病七八日脉不躁不數後三日中有汗三日不汗者死

熱病八九日頭不疼身不痛目不赤色不變而反利脉來壘壘按不彈手時大心下堅者至十七日不可治

熱病已得汗而脉尚躁盛此陰脉之極也死

熱病脉常盛躁而不得汗者此陽脉之極也死脉盛躁得汗者生也

熱病已得汗體熱不去者不可治

熱病其人瀼瀼大熱脉細小者不可治

熱病下痢不止腹中痛甚者不可治

辯可發汗形證

大法春夏宜發汗

凡發汗欲令手足周徧汗出漿漿益佳不欲流離病若不解當復發汗汗多則無陽虛則



不得重發汗也

凡欲發汗中病便止不必須盡意也

太陽病脉浮數者宜發汗也

太陽病脉浮大數者宜發汗也

陽明病脉遲汗多而微惡寒者外未解宜發

汗

陽明病脉浮數者宜發汗

太陽病常自微微汗出更宜發汗

凡脉浮而緊者浮則為風緊則為寒宜發汗

太陽病下之微喘者外未解也宜發汗

太陽病發熱汗出而惡寒宜發汗

辨不可發汗形證

凡脉沉數病在裏不可發汗無陽故也

凡脉尺中遲不可發汗榮氣不足血少故也

凡脉微軟弱者不可發汗

凡咽中閉塞不可發汗

凡腹中有動氣在左右者不可發汗

凡有動氣在上不可發汗發汗則氣衝於上

在心端也

凡有動氣在下者不可發汗則心中大煩目眩惡寒飲食則吐  
 凡諸動脈微弱皆不可發汗汗則小便難脬中乾煩躁也  
 凡咽燥者不可發汗  
 凡失血者不可發汗發汗必恍惚心亂  
 凡積熱在藏不宜發汗汗則必吐口中爛生瘡

凡下利水穀忌攻其表汗出必脹滿欬嗽小便利者不可攻其表汗出即逆

辨可吐形證

凡服湯吐者中病便止不必盡劑也

大法春夏宜吐凡病頭不強痛寸口脉浮胃中痞滿上衝喉咽不得息此為有痰當宜吐之

夫胃心滿實胃中鬱鬱而痛不能食多涎唾下利其脉遲反逆寸口脉數此可吐也



病者手足冷脉乍結在胃心下而煩飢不能食病在胃中當宜吐之傷寒胃滿痰逆乾嘔熱嗽及肺壅唾膿等宜吐之

夫宿食在胃管宜吐之

辯不可吐形證

太陽病惡寒而發熱自汗出而反不惡寒熱關上脉細數者不可吐之少陰病其人欲食入則吐心中溫溫欲吐復

不能吐手足寒脉弦遲乾嘔此膈上有寒飲不可吐之當宜溫也

諸四逆者不可吐之

諸虛羸者不可吐之

新產者不可吐之

病者惡寒而不欲近衣不可吐之

辯可下形證

大法秋宜下凡可湯勝丸中病便止不必盡之

少陰病得之口燥咽乾宜急下之

傷寒病人腹滿不大便者亦然

傷寒下痢三部脉皆和按其心下堅宜急下之

傷寒下痢脉遲滑者實也其痢未得便止當更宜下之

傷寒病腹中滿痛者爲寒當宜下之

傷寒脉數而滑者有宿食當下之則愈

傷寒六七日目中瞳子不明無外證大便難

微熱者此爲實宜急下之

太陽病七八日脉微浮者其人發狂此下膈有熱小腹當堅而滿小便自利下血乃愈瘀熱在裏故也宜下之

陽明病但頭汗出其身無汗小便不利渴引水漿此爲瘀熱在裏身必發黃宜急下之

傷寒有熱而小腹滿者小便反利此爲有積血當宜下之

傷寒病五六日不大便繞臍痛煩躁汗出者



此爲有結燥汗出後則暫解日晡則復發脉實者當宜下之

傷寒七八日身黃如橘小便不利其復微滿者宜下之

陽明病其人多汗津液越出胃中有熱大便必堅宜下之

傷寒大下後六七日不大便煩熱不解腹滿而痛者此有宿食宜下之

傷寒病小便不利大便乍難乍易時有微熱

不能附此胃內有結燥故也宜下之

辯不可下形證

傷寒脉濡而弱陽氣不足不可下之下之則心下痞津液內竭咽燥鼻乾也

傷寒脉浮而緊浮則爲風緊則爲寒風則傷榮寒則傷衛榮衛俱病骨節煩疼當發其汗

而不可下也

傷寒脉浮濡弱不得發汗無陽故也陽亡虛尺中弱澀者不可下

傷寒結胃證其脉浮大不可下下之即死矣  
太陽與陽明合病喘促胃滿不可下  
太陽與少陽合病心下堅頸項強而眩不可  
下也

夫四逆病厥者不可下也

夫病欲吐者不可下也

夫病有外證未解不可下之下之為逆也

夫病發於陽而反下之熱入於胃作結胃也

太陰病其人腹滿吐食不可下下之益甚

少陽病當心下堅滿不可下之後利不止者  
死

辯可灸形證

少陰病其人雖裏和其病惡寒者宜灸之

少陰病吐利手足逆而發熱脉不足者灸其

少陰

夫吐下手足厥無脉者當其厥陰灸之不温

反微喘者死

傷寒六七日脉數手足厥煩躁不已灸厥陰



不順者死

辯不可灸形證

凡微數之脈不可灸因熱爲邪必致煩逆內  
有損骨傷筋血枯之患脈當以汗解反以灸  
之邪無所去因火而盛病當必重此爲逆治  
若欲解者當發其汗而解也

辯可火形證

凡下利後下音中痛當溫之宜炒枳實若熬  
鹽等熨之

辯病不可火形證

傷寒寸口脈浮而弱卽血氣虛衛氣微其脈  
浮則汗出如流珠衛氣微榮氣虛故脈浮汗  
出也

太陽病中風以火劫其汗風被火熱卽令血  
氣流佚常有潮熱其身發黃陽盛卽衄陰虛  
卽小便難陰陽俱虛竭身體枯燥但頭汗出  
至頸而還腹滿微喘口乾咽爛或不大便甚  
者噦手足躁擾循衣摸床苦心下滿小便利

者其人可治小便不利者不可治  
傷寒脉浮而以火逼劫汗即亡陽必驚狂卧  
起不安

太陽病以火蒸之不得汗者其人必燥結若  
不結必下清血其脉躁者必發黃也

太陽病而熨其背大汗必出火氣入胃胃中  
乾竭必發荒語

辨可水形證

太陽病差後胃中乾燥不得眠睡渴欲飲水

當稍稍飲之即愈也若區吐熱在膈上思水  
者與五苓散即可飲水也

傷寒七八日大渴欲飲水然當與之常令不  
足勿極意也

凡傷寒病能飲水者為欲愈也若不渴而強  
與之因此成禍者其數多矣

辨不可水形證

凡發汗後飲水水灌之其人必喘水藥不得  
入口入則為逆傷寒結胃無熱證者宜與平



者其人可治小便不利者不可治  
傷寒脉浮而以火逼劫汗卽亡陽必驚狂卧  
起不安

太陽病以火蒸之不得汗者其人必燥結若  
不結必下清血其脉躁者必發黃也

太陽病而熨其背大汗必出火氣入胃胃中  
乾竭必發荒語

辯可水形證

太陽病差後胃中乾燥不得眠睡渴欲飲水

當稍稍飲之卽愈也若區吐熱在膈上思水  
者與五苓散卽可飲水也

傷寒七八日大渴欲飲水然當與之常令不  
足勿極意也

凡傷寒病能飲水者爲欲愈也若不渴而強  
與之因此成禍者其數多矣

辯不可水形證

凡發汗後飲水水灌之其人必喘水藥不得  
入口入則爲逆傷寒結胃無熱證者宜與平

和之藥若以水灌之益令熱不得出當汗而不汗卽煩假令汗出後腹中痛可服和氣止痛之藥

寸口脉浮大醫反下之此爲大逆浮則無血大則爲寒寒氣相搏卽爲腹鳴醫不知而反飲其水令汗大出水得寒氣冷必相搏其病必甚也

傷寒五六日而渴欲飲未宜與也爲腹中熱氣尙少不能消之便更作病深矣若大渴者

宜與之也

辯可溫形證

大法冬宜熱藥

凡病發熱頭痛脉浮數身有疼痛宜溫其表夫病腹滿下利嘔吐身體疼痛者宜溫其裏太陽病下利不渴其藏有寒當宜溫之其人飲食入則吐手足寒脉弦遲此爲中寒不可吐下也當宜溫之

少陰病其脉沉者急當溫之利不欲食者



當宜溫之。下利脈遲緊爲痛未止。下利脈浮大者，此皆爲虛，宜溫之。

凡脈浮革者，自腹鳴，若渴之與水者，必噦，宜溫之。

夫病下之後，續得下利，水穀不止，身體疼痛，急當救裏，宜溫之。與治中、四逆、附子湯諸溫藥之輩。

和劑指南

論傷寒證候

傷寒總論

活人書云：傷寒正名有一十六條。傷寒傷風，傷寒見風，傷風見寒，風濕中濕，風溫濕溫，溫毒中暍，熱病溫病，痘病溫瘡，晚發疫癘，外證一十六條。外有六證相似中暑，傷痰食積，虛勞瘴癘，腳氣與傷寒相似，而實非傷寒。此證人不曉，皆言卽傷寒也。若不子細分辨，證候虛實用藥，則誤人性命。在反掌之間，不可不知也。

論傷寒得病之由

凡傷寒初得病便不進飲食發熱一向不止  
頭痛或渾身痛或自汗惡風增寒壯熱者乃  
是傷風傷寒證也便須問病得幾日有汗無  
汗惡風不惡風或渴或不渴或嘔逆或不嘔  
逆小便通或不通得幾日須用子細審問方  
可用藥傷寒一證與雜病不同若不對證妄  
投藥餌罪犯非輕誤人多矣

論傷寒傷風證候

凡傷風者皆因脫衣感冒被風吹霎著則洒

然骨寒毛起惡風自汗者乃是傷風證也凡  
風吹則體自寒惡風無汗者是傷寒證也

論傷寒表證

傷寒初得病一二日頭痛身體痛惡寒或微  
喘者體虛及老人可與五積散聖散子此二  
者不可服并夏秋之間亦不可輕服緣中暑  
似傷寒若中暑人誤服此二藥如抱薪救火  
其害非輕切宜審實仔細用藥少壯者夏秋  
宜用金沸草散來蘇散人參輕骨散葱白散  
和解毒神木散之類可服也初得病一二  
日頭痛發熱身散痛惡寒無汗者可與葱白  
散八解散金沸草散人參輕骨散初得病  
一二日或三日自汗頭痛惡風或嘔者可與



升麻葛根湯敗毒散香蘇散葱白散人參輕骨散和解散神木散之類皆可用若發汗後熱已退了可與和氣藥嘉禾散正氣散

### 論傷寒裏證

病人四五日至六七日不惡風寒及發熱煩渴嘔逆手掌中及腋下微有汗出大便不通小便赤得三四日腹中滿微喘狂言譫語者切不可妄投熱藥只可與小柴胡湯壹貼先進壹服如人行十餘里未通候半日久可又進壹服以大便秘通出燥糞則愈此裏證也煩渴者與五苓散或手足冷吐瀉不可與小柴胡湯只服參苓白朮散四君子湯參苓白朮散

須用平補藥可與嘉禾散四君子湯參苓白朮散

### 論和解證候

傷寒傷風往來寒熱脣脇間痛乾嘔及大便秘者可用小柴胡湯壹貼病重者再服半貼及傷風四五日身發熱惡寒項強而手足温及大便不通者多用小柴胡湯敗毒散秦尤驚甲散之類婦人傷寒三五日至七八日月經常行或經水纔去作寒熱忽然譫語如見鬼神狀日可夜甚此乃熱入血室也用四物湯等分加柴胡煎服如不退用小柴胡湯兼入生地黃並碎煎傷寒陽暈逆發熱兼參苓白朮散和解散輩乃和解證也

### 論傷寒陽證

傷寒陽證面赤作熱發渴至五七日不止或服熱藥過多熱甚發強煩躁或瀉赤汗膿血者可服三黃丸四順飲洗心散或大便便秘結與小柴胡湯之類

### 論傷寒陰證

傷寒三二日五七日身體疼痛不可轉側自汗四肢厥冷瀉而不渴或吐逆泄瀉臍腹痛或有咽喉痛者可與理中丸理中湯四肢冷甚腹痛氣急者與姜附湯多加甘草煎及附子理中丸併服更重者用法煉黑錫丹金液丹二氣丹之類隨輕重用之瀉止四肢暖有寒熱却用五積散聖散子汁華散之類微汗則解不然則毒氣再

復便難治也

### 論傷寒陰陽二證

有陰厥有陽厥最宜子細審問傷寒陽證熱氣深則反厥若只認四肢厥冷便投熱藥此害人性命在頃刻間發藥者極用子細審問如是自疑寧不發藥教他更請醫者看視不可亂發藥也

### 論傷寒陰厥證

若初得病四肢厥冷身上起粟大便不調或



瀉或嘔此寒厥也可與理中圓理中湯之類

論傷寒陽厥證

若初得病身便熱頭痛大便不通至六七日  
渴甚狂言揭衣被不定疊脚手厥冷此乃熱  
極而發厥冷必竟少時又却溫熱切不可便  
投熱藥且與小柴胡湯之類昔有國醫孫用  
和一法探之須  
子細察審外證方可用藥凡傷寒四肢厥冷  
當察問病之因若證不明未辨陰陽者且與  
四味理中丸加甘草再和勻作四順理中丸  
服探之若是陰厥則服藥了形靜不熱定疊  
當漸加前件理中湯等若是服四順理中丸  
了如煩躁不定疊煩渴狂言自揭衣被者此

是易厥不可投熱藥當  
用前件小柴胡湯之類

論傷寒潮熱

傷寒五七日至十日已上早晨稍惺惺至申  
酉前後發熱不惡寒微有汗大便不通三二  
日或譫語而渴者與小柴胡湯三五服重者  
五七服以大便微利熱  
須退有渴者可與五苓散猶有煩躁反熱未  
退者宜加七寶洗心散或與秦艽鱉甲散調  
也理

論傷寒頭痛

傷寒雖退而頭痛不止者諸陽所聚熱毒氣

上攻頭痛不止者可與龍腦芎犀圓太陽丹  
白龍圓川芎圓之類

論傷寒發渴

傷寒至五七日渴甚或發熱不惡寒大便如  
常小便赤是胃中虛燥可與五苓散甚者與  
竹葉湯發熱渴  
者與柴胡湯  
仍加瓜蒌煎

論傷寒嘔逆

傷寒嘔逆有三證胃中有寒而嘔逆者可與  
參苓白朮散五苓散四君子湯胃中亦有熱  
或發渴口乾或小便赤澀與外柴胡湯或五

苓散其小柴胡湯極止熱嘔或  
少氣吐逆者用竹葉湯立效

論傷寒吐逆

傷寒吐逆者胃寒吐而身涼或服冷藥太多  
而不渴大便如常或自利或吐蚘蟲者此胃

中寒也可與人參丁香散參苓白朮散四君  
子湯理中丸人參丸嘉禾散

論傷寒發喘

傷寒喘急者皆因風寒邪乘於肺經氣上盛  
發喘麻黃湯華蓋散欬冬花散人參潤肺圓  
養肺丸或潤金散欬肺散皆可服也

論傷寒咳嗽



傷寒咳嗽者由寒邪事林廣記乘虛入於肺

經或飲水過多停飲咳嗽微喘發熱而渴或

不渴或寒熱脇下痛者可與小青龍湯三二

者必有停飲於小青龍湯內加入醋炒芫花

少許同煎不可多用多則瀉人如發寒熱咳

嗽未盡更進小柴胡湯每服加五味

子二十粒同煎或與秦艽鱉甲散

論傷寒吐血發衄

傷寒五七日發鼻衄或吐血者熱盛氣壅則

衄血或吐血切不可妄投熱藥可與雞蘇丸

煎茅根湯或茅花汁冷送下甚者可與三黃

丸如渴兼服五苓散清心散加真蒲黃煎服

論傷寒咽喉疼痛

傷寒咽喉痛皆因內熱氣秘陽毒上熏則咽

喉痛痰盛者可與犀角飲洗心散皆可服之

論傷寒腹痛

傷寒有熱腹痛者三四日大便不通邊臍腹

痛或發熱不惡寒或渴者此中胃中有燥糞

故發痛也切不可用熱藥且如正氣散埋中

及諸推積性熱藥皆不可用誤人性命只

可與小柴胡湯加芍藥少許同煎一二服如

寒腹痛有寒證因服冷藥過多大便自利腹  
中痛手足冷者可與薑附湯多加甘草煎  
中丸理中湯未效用氣虛及老人傷寒後腹痛大  
諸熱藥即止是腹瘳者可  
便如常建中湯多服取效  
與黃耆建中湯多服取效

論傷寒大小便秘

傷寒大便秘者可與麻仁丸未通者與神功  
順清涼飲後以參苓白朮散嘉禾散補之  
小便便秘結者與五苓散道赤丸五淋散皆可  
之與

論傷寒後自汗

傷寒後自汗者可服牡礪散止汗散兼嘉禾  
散黃耆建中湯加人參

煎服又人參當歸  
散加小麥同煎

論傷寒後自利

傷寒後腹痛大便自利手足冷者可服理中  
痛頰見腹痛條內

論傷寒後黃疸

傷寒眼睛及遍身發黃疸小便不利或頭上  
汗出者可與五苓散以山茵陳山梔子少  
許判碎二錢煎湯調多服效

論傷寒後腹滿

傷寒後腹滿者不思飲食或食後不消化腹



脇脹滿者可與勻氣散沉香降氣湯蓬煎圓思食丸參苓白朮散甚者與青木香丸兼嘉禾散四君子湯木香分氣丸木香散木香流氣飲看虛實用之

論傷寒後患痢

傷寒後患痢多是熱證或下純膿或下純血

與芫連阿膠丸駐車丸血多者與地榆散胃風湯兼服之

論傷寒中濕證

傷寒一身盡痛轉側不得骨節煩疼小便不利大便反快額上汗出此中濕氣也可多服五苓散利小便次用朮附湯兼服之

論傷寒後調理

傷寒本無補法不可用太溫藥補之若補甚

則再發熱但可用微溫藥調理只可與參苓

散虛弱老人用嘉禾散之類調理

論停痰證候

有痰在胃膈之間亦能增寒壯熱惡風自汗咽喉不利只是頭不痛身體不疼者可與金

草散消飲丸辰砂化痰丸倍朮之類皆可服

論傷食證候

病有頭痛發熱惡寒或腹滿吐逆身體不痛  
只是四肢倦怠其證非傷寒也此是傷寒在  
腸胃之間可與感應丸獨聖丸蓬煎丸壽天  
散思食丸諸傷食藥皆可服  
氣虛老人可服五積散吞  
下青木香丸順氣散之類  
三因方

### 叙傷風論

經云春傷風夏飧泄此乃四時之序也或表  
中風在經絡中循經流注以日傳變與傷寒  
無異但寒泣血無汗惡寒風散氣有汗惡風

爲不同仲景正以此格量太陽經傷寒傷風  
用藥不同而纂集者不識門類遂雙編二證  
使後學混濫卒不知歸甚者以傷風暑濕時  
氣疫疹凡曰太陽病者皆謂之傷寒晉人不  
經類皆如此固不足道但名義乖錯惑於後  
世不可不與之辨今別立傷風一門於四滯  
之前且依先哲以太陽爲始分注六經學者  
當自知

### 叙傷寒論



冬傷於寒春爲溫病以冬不卽病其寒毒藏於風府之上至春溫暖之氣發而爲病故曰溫病或愈或死死則六七日閒愈則多出旬日之外世號爲大病要當隨此經絡傳變仍以脉證別之乃可施治治傷寒法蓋盡於此至晉集仲景論於太陽經出麻黃桂枝二方治傷寒傷風并錄預備救失加減之法甚詳至陽明少陽與三陰經傷風證治則蔑聞矣故知仲景只就太陽一經格量二病令勿差

互編集旣不詮辨後學懵無所知昏翳典墳千有餘載略不加省良可嘆息今輒提其六經傷寒合用對治諸方以爲宗兆其如壞證治去除各見本門外編集于後使皂白自分明初不取諸胷臆蓋有所本於聖經也

### 傷寒辨證

內經論傷寒惟說足三陰三陽六經傳受愈否日數及各隨其藏府經絡流注去處而證以行汗下并兩感脉應病形而已至張長沙

以伊尹湯液作治法兼述傷風暑濕等詳略  
不同格量互顯使後學舉隅而反至晉不解  
其義隨行編集遂行於世此後蹈襲者不可  
勝計所謂百問證治提綱目錄撮要備全活  
人書傷寒論乃至圖形指脉皆剝採晉集初  
無反隅雖有意於廣傳皆未明其義類緣晉  
集不識偏正以此類預備之方雜於正治而  
正治之方多所簡脫故使典籍愈翳後學固  
封不削繁蕪罔知樞要因別論于後

### 料簡

凡傷寒中雜病證狀非一當隨門類量酌施  
治可也如發黃則多用五疸中藥只依黃疸  
治之發狂已見陽毒門吐衄便利瘀血見失  
血門下痢見滯下奔豚見五積陰陽厥見厥  
論嘔噦喘咳各見本門其他更不繁錄

### 敘疫論

夫疫病者四時皆有不正之氣春夏有寒清  
時秋冬亦有暄熱時一方之內長幼患狀率



皆相類者謂之天行是也若春時應暖而清  
 氣折之則責邪在肝病曰青筋牽夏時應暑  
 而寒氣折之則責邪在心病曰赤脉攢秋時  
 應涼而熱氣抑之則責邪在肺病曰白氣狸  
 冬時應寒而暖氣抑之則責邪在腎病曰黑  
 骨溫土無正形因火而名故附金木水火而  
 變病曰黃肉隨其天行之病大則流毒天下  
 次則一方一鄉或偏著一家悉由民庶同業  
 所召故天地靈祇假斯不正之氣而責罰且

人命有遭逢時有否泰故有偏著一家者天  
 地既有斯害氣還以天地所生之物而防備  
 之命曰賢人知方

痲敘論 痲亦作痲

夫人之筋各隨經絡結束於身血氣內虛外  
 為風寒濕熱之所中則痲故寒則緊縮熱則  
 弛張風則弦急濕則脹緩四氣兼并當如常  
 說以風散氣故有汗而不惡寒曰柔痲寒泣  
 血故無汗而惡寒曰剛痲熱消氣故為瘰縱

濕溢血故為緩弱經中所謂大筋綆短小筋弛長綆短為拘弛長為痿皆濕熱不接之所為也原其所因多由亡血無所營故邪得以襲之所以傷寒汗下過多與夫病瘡人及產後致斯病者槩可見矣診其脉皆沉伏弦緊但陽緩陰急則兀兀拘攣陰緩陽急則反張強直二證各異不可不別

神巧萬全方

人命傷寒摠論

傷寒之說古今不同素問水熱論論熱病云夫熱病者皆傷寒之類或愈或死皆以六七日之間為期而不言溫病難經論傷寒乃有五種有中風有濕溫有傷寒有熱病有溫病皆以脉理推之

傷寒之說古今不同素問水熱論論熱病云夫熱病者皆傷寒之類或愈或死皆以六七日之間為期而不言溫病難經論傷寒乃有五種有中風有濕溫有傷寒有熱病有溫病皆以脉理推之經云中風之脉陽浮而滑陰而沉濡而弱濕溫之脉陽濡而滑陰小而急傷寒之脉陰陽俱浮浮之脉陰陽俱盛而散瀉溫病之脉行在諸經不知何經之乃漢張仲景著傷寒論其說最詳以冬受寒毒之氣即發者為傷寒其寒毒藏於肌骨之間至春而發者為



溫病至夏而發者為熱病溫熱之病直以熱之多少為義陽熱未盛為寒所制故病名溫陽熱大盛寒不能制故病名熱又以冬氣溫春氣寒夏氣冷秋氣熱為時氣時氣之說正與難經所謂溫病者同也隋巢元方雖取仲景之說而觸類長之其諸病候皆別為篇目以出之嘗究諸說雖或異同大抵傷寒溫病熱病時氣傳變無異惟能別其陰陽不妄汗下最為良鑿何則諸書所述多拘日數此治無病之人間或多愈若病者太虛太實則邪氣

傳受遲速不等鑿者報泥汗下有悞如此治病不若不鑿愚嘗論人曰身熱頭痛腰項強鼻塞脈洪大數惡寒或微微汗出此屬三陽三陽表也可發汗凡發汗欲令手足周遍汗出染染益伸不欲流雖病若不解當復發汗汗多則亡陽虛則不得重發汗也凡欲發汗中病便止不必須盡劑也太陽病脈浮數者宜發汗也陽明病脈遲汗多而微惡寒者未解宜發汗也陽明病脈浮數者宜發汗而緊者浮則為風緊則為寒宜發汗凡脈浮而緊者浮則為風緊則為寒宜發汗太陽病下之微喘者外未解也宜發汗頭痛胃心痞滿鬱鬱而痛多涎唾乾嘔此可吐

凡服湯吐者中病便止不必盡劑也大法春  
 夏宜吐凡病頭不強痛寸口脈浮胃中痞滿  
 上衝咽喉不得息此為有痰當吐之夫胃心  
 滿實胃中鬱鬱而痛不能食多涎唾下利其  
 脈乍病反逆寸口脈數此可吐也病者手足  
 冷脈乍結在胃心下煩飢不能食病在胃中  
 當宜吐之傷寒胃滿痰逆乾嘔熱嗽及肺壅  
 唾膿等宜吐之夫宿食在胃管宜吐之也  
 心腹煩滿脈細數或下痢後脈滑或下痢後  
 三部皆和而心下堅或但頭汗出而身不汗  
 小便不利渴引水或不大便繞臍痛此可下  
 凡下中病便止不必盡劑少陰病得之心燥  
 咽乾宜急下之傷寒病人腹滿不大便者亦  
 然傷寒下利三部脈遲滑者實也其痢未得便  
 下之傷寒下痢脈遲滑者實也其痢未得便

止者更宜下之傷寒病腹中滿痛者皆為寒  
 當宜下之傷寒脈數而滑者有宿食當下之  
 傷寒六七日中瞳子不明無外證大便難微  
 熱者此為實宜急下之太陽病七八日脈微  
 浮者其人發狂此下之愈瘵熱在裏故也宜下之  
 小便自利下血乃愈瘵熱在裏故也宜下之  
 陽明病但頭汗出其身無汗小便利也宜下之  
 水漿此為瘵熱在裏身必發黃宜急下之傷  
 寒有熱而小腹滿者小便反利此為有積血  
 當宜下之傷寒病五六日大便利此為有積  
 燥汗出者此為有結燥汗出後則胃解日晡  
 則復發脈實者當宜下之傷寒七八日身黃  
 如橘小便不利其腹微滿者宜下之陽明病  
 其人多汗津液越出胃中有熱大便必堅官  
 下之傷寒大下後六七日不大便煩熱不解  
 腹滿而痛者此有宿食宜下之傷寒熱小解  
 不利大便難下之凡言可吐可汗下但有胃  
 內有結燥故宜下之凡言可吐可汗下但有胃



一候便可不必俱 假如有人得病五七日尚  
 有諸候方可也 由身熱頭痛脉洪大證候尚在三陽猶須發  
 汗未可下也 傷寒脉濡而弱陽氣不足不可  
 咽燥鼻乾也傷寒脉浮而緊浮則為風緊則  
 為寒風則傷榮寒則傷衛榮衛俱病骨節煩  
 疼當發其汗而不可下也傷寒脉浮濡弱者不可  
 得發汗无陽故也陽寸虛尺中弱澁者不可  
 下傷寒結胃證其脉浮大不可下下之即死  
 矣太陽與陽明合病喘促胃滿不可下太陽  
 與少陽合病心下堅項強而眩不可下也  
 夫四逆病厥者不可下也夫病欲吐者不可  
 下也夫病有外證未解不可下於咽作結胃也夫  
 病發於陽而反下之熱入於咽作結胃也太  
 陰病其人腹滿吐食不可下下之益其少陽  
 病管心下堅不可下下之後利不止者死

又有人今日得病或便煩滿脉細數或三日  
 便有裏證即須吐下不必發汗也 雖多但日數  
 表證而脉浮大數猶宜發汗日數雖少即有  
 裏證而脉沉細數猶宜下之凡脉尺中遲不  
 可發汗榮氣不足血少故也凡脉微軟弱者  
 不可發汗凡咽中閉塞不可發汗凡腹中有  
 動氣在左右者不可發汗於上在心端也凡有動  
 氣在下者不可發汗汗則心中大煩目眩惡  
 寒則飲食嘔吐凡諸動脉微弱皆不可發汗  
 汗則小便難中乾煩燥也凡咽燥者不可  
 發汗失血者不可發汗汗則必恍惚心亂凡  
 下在藏不宜發汗汗則必吐口中燥生瘡凡  
 下痢水穀不攻其液汗則必泄脹滿欬嗽小  
 利者不可攻其液汗則必泄脹滿欬嗽小  
 表汗出即逆 傷寒四逆或虛羸或新產俱

不可吐 太陽病惡寒熱關上脈細數者不可吐之少  
 陰病其人欲食入則吐心中溫溫欲吐復不  
 能吐手足寒脈絃遲乾嘔此膈上有寒飲不  
 可吐之當宜溫也諸四逆者不可吐之病者惡寒而  
 者不可吐之衣故又有可灸不可灸 裏雖熱而惡  
 不可吐之 故又有可灸不可灸 裏雖熱而惡  
 寒者宜灸之少陰病吐利手足逆而發熱脈  
 不足者灸之少陰吐下手足厥無脈者當其厥  
 陰灸之不溫及微喘者死傷寒六七日脈數  
 手足厥煩燥不已灸厥陰不順者死其不可  
 灸者為微微之脈不可灸因熱為邪必致順  
 逆內有損傷筋骨血枯之病當以汗解反以  
 灸之邪無所出因火而盛此為逆 可火不可  
 治熱欲解者當發其汗而解也 可火不可  
 火之其不利後下部痛當炒枳實并熬鹽等熨  
 火之其不利後下部痛當炒枳實并熬鹽等熨

血氣虛衛氣微其脈浮則汗出如流珠衛氣  
 微榮氣虛故脈浮汗出也太陽中風以火劫  
 其汗風被火熱即令血氣流失常有朝熱其  
 身體枯燥但頭汗出至頸而選腹滿微喘口  
 乾目爛或不大便甚者噦手足躁擾衄衣摸  
 床若心下滿小便利者可治不利者不可治  
 傷寒脈浮以火劫通其汗必驚狂臥起不安  
 太陽病以火蒸之不得汗者其人必燥結若  
 不結必下清血脈躁者必發黃也太陽病而  
 熨其背大汗必出火氣入可水不可水 太陽  
 胃胃中乾渴必發荒語 可水不可水 太陽  
 後胃中乾燥不得卧渴欲飲水當稍稍飲之  
 即愈若上穿熱至渴上思水者與五苓散  
 之常令不足凡傷寒八日大渴欲飲水者當與  
 凡發汗後飲水水灌之其人必喘水藥不得  
 入口入則為逆傷寒結胃無熱證者宜與平



和之藥不可與水寸口脈浮大豈誤下之寒  
 熱相搏即為陽鳴復飲之水為逆治傷寒五  
 六日而渴未宜與之夫傷寒而多熱者以其  
 若大渴者宜與之  
 寒極則熱生也治法用冷藥然而又有可溫  
 之候者不可不審也凡病發熱頭疼脈浮數  
 身有疼痛宜溫其表病  
 若腹滿下利嘔吐身體疼痛宜溫其裏太陽  
 病下利不渴其藏有寒當溫之其人飲食入  
 則吐手足寒脈絃遲此胃中有寒不可吐下  
 宜溫之少陰病其脈沉者宜急溫之不利不  
 飲食可宜溫之利脈遲者宜急溫之利不止  
 脈浮大此皆為虛宜溫之凡脈澁革者自腹  
 鳴若渴而與水則必蹶宜溫之病下之後續  
 得下利水穀不止身體疼痛宜溫其裏溫者  
 用四逆附子其間諸虛煩熱者與傷寒相似  
 湯之類也

其所以異者身不疼痛不惡寒脈不緊數尔  
 夫如此則非傷寒也俱不可汗吐下但與竹  
 葉湯若吐者與橘皮生薑湯而已夫以虛煩  
 病為傷寒治之者多至於斃不可不審細也  
 凡纔受病知非虛煩之病而頭痛壯熱仍更  
 增寒便宜與發汗藥三五服如覺微微汗出  
 即加少許衣被蓋覆令汗遍頭面四肢即佳  
 次看汗後得何形證用藥如腹滿即用厚朴  
 散渴用五苓散之  
 也無失機會則功可十全

論時氣

時氣者天地不正之氣也謂春應暖而反寒夏應熱而反冷秋應涼而反熱冬應寒而反溫非其時而有其氣一家無少長率病者時氣也又謂之鬼厲之氣夫鬼無所歸乃爲厲介禮有泰厲國厲者是也若天地有不正之氣鬼厲依而爲祟楊玄操云謂雜鬼厲之氣不知何經之動者亦其義也其病傳變與傷寒無異治法多雜治鬼邪之藥爲得其諸發

汗止下并傳變並取正傷寒方法治之

瘴氣論

夫嶺南青草黃芒瘴猶如嶺北傷寒也南地腴故太陰之時草木不黃落伏蟄不閉藏雜毒因腴而生故嶺南從仲春訖仲夏行青草瘴季夏訖孟冬行黃芒瘴量其用藥體性嶺南傷寒但節氣多溫病藥小寒於嶺北時用熱藥亦減其錙銖三分去二但此病外候小遲因經絡之所傳與傷寒不異然陰陽受病



會同表裏須明識患源不得妄攻湯艾假令  
 宿患痼熱今得瘴毒毒得熱更增雖形候王  
 盛猶在於表未入腸胃不妨溫而汗之用青龍散  
 加豆豉葱白煎之則是用已入內者不妨乎  
 冷藥小寒於嶺北之我而下之用抵聖丸可也假令本有冷今得溫瘴雖暴  
 壯熱煩滿祕塞正須溫藥汗之如桂枝散加葛根麻黃之類汗之不歇不妨寒藥下之與大承氣湯之類是也夫  
 下利治病等藥在下品藥性凶毒專主攻擊  
 不可恒服疾去即止病若日數未入於內不

可預服利藥藥盡胃虛病必承虛而進此不  
 可輕治治不差成黃疸黃疸不差為尸疽黃  
 疸尸疽亦取傷寒發黃諸方用之其寒熱者  
 以瘧疾方為用以此為例則汗吐下并諸候  
 悉可以傷寒之方為用尸疽疾者嶺南中瘴  
 氣土人連歷不差成此病不須治也嶺北客  
 人猶得斟酌救之病前熱而後寒者發於陽  
 無熱而惡寒者發於陰發於陽者攻其外發  
 於陰者攻其內其一日二日瘴氣皮膚之間

於病者頭痛惡寒腰背強重若寒在表發汗及針必愈三日以上氣浮於上填塞心胃使頭痛胃滿而悶宜以吐藥吐之必愈五日已上瘴氣深結結在藏腑故腹脹身體骨節煩疼當下之或人得病久方告鑿鑿知病深病已成結非可發表解肌所當問病人得病本末投藥可專依次第也

右說如此其治瘴法與治傷寒無異惟能別其表裏不妄汗下爲得其論諸疾候亦

當取正傷寒中爲證

論三陽三陰內外證候

夫欲識傷寒三陽三陰之候者謂手太陽小腸之經爲三陽之首病則此經先受之其脉絡於腰脊主於頭項病則頭痛腰強又診其脉尺寸俱浮者太陽候也足陽明胃之經也主肌內其脉絡於鼻入於目病若內熱鼻乾不得眠而又診其候尺寸俱長者陽明候也足少陽膽之經也其脉循於脇上於頸耳若



病則胃脇熱而耳聾診其脉尺寸俱弦者少陽候也三陽之經終始相傳病未入於藏可汗而愈足太陰者脾之經也其脉絡於脾主於喉咽若病則腹滿而咽乾而又診其脉尺寸俱沉細者太陰候也其病在胃膈可吐而解足少陰者腎之經也其脉貫於腎絡於肺系於舌本病若口燥舌乾渴而引水而又診其尺寸俱沉者少陰候也足厥陰候者肝之經也其脉循於陰絡於肝病若煩滿而陰縮

而又診其脉尺寸俱微緩者厥陰候也夫少陰厥陰之候病在腸胃可下而愈

針三陽三陰候

予嘗療傷寒見太陽證則瀉太陽補陽明見陽明證則瀉陽明補少陽而病皆多愈或者見問予曰此古人無道也盖以太陽病傳陽明陽明病傳少陽少陽病傳大陰大陰病傳少陰少陰病傳厥陰夫病者已受邪今瀉其處邪之經而補其未病之經實則邪不能傳

所以多愈

通真子傷寒括要詩

四時病名不同侯今人通謂之傷寒已失之也其治固可知

矣則其名不同

冬日傷寒春日溫夏為熱病揔同根謂受之於冬寒

也天之厲氣為時氣療理難將一例論謂春無

叶下秋冬無大發汗

虛煩非傷寒候今人多誤以虛煩為傷寒治之則多死

虛煩之病勢雖同身不憎寒亦不疼脉不數

時非裏實定知內外不堪攻不憎寒不可發汗脉不數不可

下當以竹葉湯

五種傷寒候傷寒有五治之亦異今人一例看之有失也

陰弱陽浮是中風陽濡陰急濕溫攻陰陽俱

盛傷寒候熱病俱洪信不同經云中風之脉

而弱濕溫之脉陽濡而弱陰小而急傷寒之脉陰陽俱浮浮之而滑沉之散瀦溫病之脉行在諸經不知何經之動也

傷寒太陽候第一日二日太陽經膀胱脊主於頭項

之會故也



太陽脉靜未他侵未傳諸藏也脉項強腰疼

是本音脉數浮洪須發汗未除項後更加針

未除針風池  
風府二穴

傷寒陽明候第二日足陽明胃之經  
其脉絡於鼻入於目也

陽明肉熱鼻仍乾不睡須知胃裏寒汗出惡

寒脉遲緩更須解表始方安脉遲汗出多而  
微惡寒為陽明

證表未  
解矣

傷寒少陽候三日少陽膽之經其  
脉循脇上於頸耳中

少陽脇痛耳兼聾脉候須看弦細通脉弦細  
頭疼而

發熱即屬  
少陽受病無大熱時仍躁悶此為陽去入陰

中  
宜茯苓湯

傷寒太陰候四日足太陰脾之經其脉  
絡於脾津流行於咽

太陰受病絡於脾腹滿咽乾可吐時脉若尙

浮須救表沉攻其裏不須疑謂不可拘  
日數也

傷寒少陰候五日足少陰腎之經其  
脉貫腎絡肺繫舌本也

少陰口舌渴仍煩利止增寒手足溫有此候

時真可治脉如暴出命難存若微微續  
出者生

傷寒厥陰候六日足厥陰肝之經其  
脉循於陰絡於肝也

厥陰囊縮滿煩多脉若沉時氣未和脉不浮為未愈

微緩微浮兼似瘧此為欲愈定無他惡寒為

陰陽俱虛不可復上下如面色赤為欲愈也

傷寒傳變不定候今人多數日數此論無病之人可也若論

治有病者則失之必然

無病之人次第傳謂三陰三陽次第有病之人即不

然謂守一藏不傳或數日乃傳但看脉候分

表裏汗下休將時日專

傷寒兩感候

口乾頭痛渴而煩一日之間有此傳為報時

師須審細太陽病與少陰連兩感者乃陰陽雙傳臟腑俱病

仲景無治法第一日足太陽膀胱經與足少陰腎經為表裏令頭痛口乾煩病而渴

傷寒兩感候

腹心脹滿體如湯不食多煩語又狂第二日

間逢此候陽明經與太陰當第二日足陽明胃之經與足太

陰脾經受病令人腹滿心熱不欲食而譫語

傷寒兩感候

少陽病與厥陰通囊縮之時耳又聾更有水



漿都不入定知三日命應終第三日足少陽

經受病令人耳聾囊

傷寒可汗候大法春夏宜發汗凡

脉浮大數及憎寒更似微微體不乾此候屬

陽宜發汗休將時日苦拘牽經云太陽病脉

明病脉遲而惡寒宜汗詩云脉浮大數及憎

寒更自微微體不乾都是括例而為句醫者

看脉但見脉浮大而可發汗是發熱而惡寒

者亦可發汗汗而微惡寒亦可發汗如不可

汗便脉沉數不可汗尺脉遲不可汗咽燥者

不可汗但一服證候不必俱有詩所括餘皆

例做此

傷寒不可汗候凡脉微乾弱下利水穀

脉微沉數尺中遲氣動咽中閉燥時失血及

曾微下利俱非可汗請須知凡腹中有動氣

下不可發汗也

傷寒可吐候大法春夏宜吐服吐藥

寸口脉浮頭不疼心中滿悶唾涎濃雖飢欲

食無能食急吐都緣病在胃有宿食宿疾在

傷寒不可吐候太陽病惡寒而發熱自

吐也

關中脉細四肢寒新產虛羸揔一般更有少

陰乾嘔候絃遲脉見吐俱難少陰病吐藥入口則

吐温温欲吐復不能吐手足寒脉絃選乾嘔皆不可吐宜温之

傷寒可下候大法秋宜下湯散元

太陽脉浮仍發狂陽明頭汗引水漿但要汗

汗小便不利少陰咽乾口中燥遲滑數滑下之當

下利三部脉皆和按之心下堅故宜急下之

傷寒不可下候夫病欲吐者少陽病心下堅俱不可下也

脉大濡浮及結胃尺中弱濇吐皆同四肢厥

冷少陰病外證由存不可通脉濡而弱結胃脉浮

傷寒可灸候少陰病灸少陰厥陰病灸厥陰

少陰之病裏雖和若也增寒吐利多脉若虛

微并厥逆本經著灸莫蹉跎灸之反微喘及不順者死

傷寒不可灸候病當汗而反灸邪無所去因火而治皆為逆

脉數之時及血枯傷筋損骨揔同途定知發

汗方能解若灸之時病不虞

傷寒可火候謂之火熨腹背之類

利後頻加腹痛時裏寒氣逆請須知本因冷



類聚二十九  
七十七

藥過其度枳實兼鹽炒熨之炒枳實和鹽等熨而弱不

傷寒不可火候寸口可以火助其汁也

太陽脉弱又兼浮若火之時病候留如利小

便猶可治若還不利則知休太陽中風以火劫其汗甚者手

足深擾循衣摸床若心下滿小便利者可治小便不利者不可治

傷寒可水候凡傷寒病能飲水者為病愈若不渴而強與之為病

深矣

大凡大渴方令飲稍稍將之慎勿多膈上熱

時須嘔吐五苓散子最宜他太陽病多胃乾燥不得眠欲飲

水當稍稍與之飲也

傷寒不可水候凡發汗後飲水水灌之令人喘使水藥不能入也

寸脉浮大口中焦與水之時病轉饒五六日

間雖欲飲未宜將與恐難消為腹中熱氣尚少不能消化作

病反其深若大渴宜與之

傷寒可溫候冬宜熱藥凡病發熱頭痛脉浮數身疼痛宜溫表腹

滿下利嘔吐宜溫裏

太陽下利全無渴及脉弦遲手足寒更有少

類聚二十九

七十八

陰沉細候與之溫藥莫盤桓若四逆附子之類也

傷寒陰陽剛柔痙候肺移熱於腎轉而為痙脈沉細者痙也

足寒身熱脊翻張痙有剛柔請細詳汗出惡

寒是柔候若還反此即為剛反此者謂雖發熱不惡寒無汗

熱甚必死不可不察

傷寒汗後熱不除候經言已汗脈盛躁雖狂言不食必三日死

已經汗後熱尤存大小便難或自煩脈大實

洪兼苦渴藏多結熱是根源熱時暫時解者生若不已者死

傷寒煩燥候此由陰氣少陽氣勝故熱而煩滿也

少陰脈躁惡寒時此候調平請勿疑惡寒而踈時時

自煩欲去衣被者宜調平下之吐利復煩并不寐定知必死

不須醫少陰脈微細但欲眠汗出不煩時時自吐五六日則利復煩不得寐難治

傷寒譫語候表虛裏實久成譫語發汗後重汗亦生譫語脈和者

則不死

陽明下血發狂言急刺期門瀉本源為熱入血室寫

期門汗出者乃愈大抵脈洪為可治若還沉細即難



存者死

傷寒鼻衄候 心主血熱邪勝心收衄不止陽明病口燥但漱水不

欲噦者必衄至甚也

大凡衄血休攻表汗出之時返惡寒身若熱

時却無汗定知二候總為安 謂汗出則寒慄而振脈緊發熱

其身無汗衄血者二候俱愈證也若欬血而衄汗不出出之不止不可治也

傷寒吐血候 此由諸陽受邪熱初在表應發汗而汗不發所致也

諸陽受病由居表應汗之時汗不來毒氣入

深兼入瘀 有瘀積也 乃成瘀血赤堪哀 汗不出者不可

治也

傷寒陽毒候 陰陽毒病無常或初得病便有陽毒如服藥經五六

日十餘日變或此毒也

活人書陽證似陰重陽必陰重陰必陽寒暑

之變假令手足逆冷大便秘小便赤或大便

黑色其脈沉滑者皆陽證也經者白虎易重

者承氣湯兼熱厥與陰厥亦自不同熱厥者

微厥即發熱陰厥者即不發熱四肢逆冷惡

寒脈沉細大小便滑泄矣陰盛隔陽傷寒陰

盛者是也飲水者非也欲飲水者宜露

散傷寒陰證似陽陰發燥熱發厥物極則反

也故之載易者下  
虛也故只憑脉治

陽毒傷寒面目班頭疼身重脊腰煩狂言見

鬼脉洪數五日堪醫七莫存過七日不治者發赤班者五死

一生黑班者  
十死一生

傷寒陰毒候始得病看手足指冷者是也冷至六寸二寸可治若

至拳肘膝  
上者難治

此名陰毒初得病手足冷背強咽痛糜粥不  
下毒氣攻心手足逆冷臍腹築痛咽喉疼嘔吐  
痢身如神杖手足逆冷臍腹築痛咽喉疼嘔吐  
吐下利或冷汗煩渴脉細微絕大抵陰毒本  
因腎氣虛寒或因冷物傷脾外傷風寒內傷  
伏陰外又感寒或因先因感外寒而內傷陰

外皆陰陽氣不守遂發頭疼而腰重腹痛畏  
睛疼身體倦怠四肢逆冷額上手背冷汗不  
止或多煩渴精神恍惚如有所失診之六脉  
俱沉細尺部短小寸口脉或六也陽毒脉多  
沉細弱不可不知

心膨身重腹中疼面黑唇青氣不通四逆脉

來沉細弱若過三日命應終

傷寒陽結陰結候陽結期十七日當劇陰結期十四日當劇

脉浮而數偏多食陽結須知屬大腸大便不通此為

若脉沉遲身體重不能飲食是陰當大便硬是

結陰



傷寒壞證 謂得病十二日已上經吐汗下而病證不解邪熱留於臟腑使病後多變壞證

少經病訖苦虛煩雖飲柴胡病尚存 太湯病不解傳

入少陽脇下鞭滿乾嘔不能食往來寒熱尚

未吐下其脉沉緊與小柴胡湯若已吐下發

汗飲柴胡湯寸口脉洪兼數滑齒黃舌躁是多為壞證

傷寒心悸候 悸者動也謂心下悸動耳

傷寒心悸本無宅只為從前飲水多尺脉弱

時當即解不勞汗出自安和 裏虛表實故也

傷寒喘候 表未解散喘譫語直視而喘者死喘息高者亦死也

太陽下後喘難休表未安和是此由更飲水

多心下滯腎來乘尅亦堪憂 以水灌之亦喘

傷寒嘔候 陽明病熱入於胃與穀氣并合故令嘔也或已經吐下虛

熱在臟飲水亦嘔

熱停脾胃成乾嘔 不與穀并也 水穀相并勢亦然

熱與穀并熱傳入陽明應忽汗發熱無汗不

與水并皆嘔出澹然是為少陰肝澁灸為先脉微瀼者即

嘔汗出者必更衣少陰當灸厥陰飲飲水者與之愈

傷寒噦候 虛而中冷則噦胃中虛冷亦噦宜半夏湯發熱身囁頭眩者五苓湯

陽明不食攻其熱胃滿攻之惣一同 胃滿則氣逆視之前

前後視之何不利利之真箇有神功 後知何部不利利之必愈

傷寒心痞候 太陽少陰併病脉數緊而下之緊反入裏則作痞痞者心下滿也

心閒氣滿方為痞按軟之時下即難 按之自軟但氣痞耳不可復下恐悞 面赤目黃狂語甚急須吐下便能

安 為有實中若陽明病心下堅滿可下之并半夏湯主之

傷寒渴候 渴有不可水即宜藥分之服

傷寒毒入少陰經引飲須知不暫停此是腎家元惡燥逐經湯散有神靈 大陽病汗出而渴宜五苓散陽明病但頭汗出而身無汗小便不利渴引水者宜茵陳湯厥陰病渴欲飲水者宜猪苓湯之主

傷寒厥候 五六日間手足逆冷者此名厥也厥者逆也陰陽不相接手足逆冷也陽氣衰而陰氣盛陰勝於陽故陽脉為之逆不通手足所以逆冷也傷寒熱多厥少者其病當愈厥多熱少者其病為進然有冷熱二證當子細

也傷寒熱多厥少者其病當愈厥多熱少者其病為進然有冷熱二證當子細



辨認之熱厥白虎氣冷厥四逆理中  
 通脈四逆當歸四逆加吳茱萸湯  
 通加猪膽湯可選用之冷厥者初得病  
 者便四肢逆冷脈沉微而不數足多攣  
 臥而惡寒或自引衣蓋覆不飲水或下  
 痢清穀或清便自調外證多惺惺而靜  
 脈雖沈實按之遲弱知冷厥也其熱厥  
 者初中病必身熱煩痛外別有陽證至  
 二三日方發厥厥至半日却身熱脈雖  
 沉伏按之滑此為裏有熱或飲水或揚  
 手擲足煩燥不眠大便秘小便赤  
 赤外證多昏憤者知其熱厥也

厥多溫少為難治厥少溫多治不難利下端  
 煩俱惡候灸之即止可求安不及治者死惡  
不熱而躁者亦死也

傷寒心腹痛候由未得汗間心神煩熱

臟腑元來夙冷深或食涼藥氣來侵或因內

外由多熱二者調和各在心冷用熱藥熱用涼藥

傷寒結胃候此由病發於陽而下之不散

寸口浮時關上沉定知熱發在胃心舌上苔

滑仍兼白吐下俱難病最深若飲食不利者名

為藏結不治也

傷寒百合候此因傷寒虛勞大病之後不能平復變為斯證

百病一宗俱受疾或如有祟或如常其心意飲食復

不能食常然然得臥復不能臥欲行復不能行飲食有美時或不快時或寒或熱故不定其證醫之據術須憑藥雖證多端亦不妨二候也十日愈遠六十日愈

傷寒狐惑候 狐惑是陰之為痛或因患初得狀如傷寒或傷寒變

成此病

惑蝕上焦聲帶啞狐攻下部即咽乾閉睛默

默眠難穩面色時時變數般 面目乍白乍黑乍赤是其證也

傷寒濕蝕候 凡得病腹內有熱又飲食少腸胃空虛三虫蝕人人

五臟及下不一也

上下唇中若有瘡舌生白色齒無光四肢沉

重偏多睡五臟如傷即見亡 當看上下唇內有瘡唾血唇內有

如粟米瘡此虫蝕上也下唇生瘡蝕下部也

傷寒下痢候 表實重虛熱入腸胃則下黃汁或赤汁汗出如濕毒

之氣濕毒盛則腹痛壯熱下膿血寒毒入胃則腹滿身熱下清水者不可攻其表宜切審之

脉數弱時當自止 有微熱其人渴沉弦實大

即陷危 沉弦者實大者未止下痢十

熱偏多汗此候無陽死可知 汗不止也



傷寒大便不通傷寒陽脈微而汗出為不及也自始病汗出者

為太過是也

陽明脈實汗過多津液中枯柰熱何經熱只

因陽氣絕茯苓湯散最宜他凡發汗太過必

茯苓湯也

傷寒小便不通亦本汗出不止故胃中乾極也

本因汗後汗偏饒津液乾來胃裏焦更被小

腸多伏熱茯苓散子急將調

傷寒咽喉痛候邪客於少陰之絡故然也

過經厥逆脈沉遲此是陰陽隔絕時毒氣上

熏喉不利或生瘡腫亦堪疑

傷寒斑瘡候此證由傷寒汗下結表熱不解變成疹痘者尤輕若

毒熱在裏不散毒氣入胃胃爛發斑者最重

已經汗下熱難除毒氣乘虛表裏居重者兼

生喉與舌其名疹豆亦同途

傷寒舌腫候心脾二藏熱并然也

舌為心候兼脾絡心熱脾虛舌腫疼針入五

分令血出後將涼藥可尋生針舌下心絡令血出

傷寒咳嗽候 上焦有熱其人飲水小停  
心下故嗽不止可導心火

利小便也

熱邪客肺多成嗽或是其人飲水傷水氣積  
來乘在肺故令涎嗽請看詳

傷寒潮熱候 謂毒氣未散即攻其表或  
之進退如水潮故名曰潮熱

診其脉數熱兼洪伏熱由留臟腑中三部細  
看何部盛依經用藥覓神功 依三陰三  
陽之經

傷寒勞復候 非交接之勞若言語思慮  
則勞心舉動勞其力也

傷寒新差體由虛勞力勞神病復初脉若緊  
時須急下浮洪即汗莫躊躇

傷寒食復候 經云食肉則  
復多食則遺

病瘳強食則為遺况食諸般肉食肥脾弱熱  
生須再病若還吐下即傾危

傷寒陰陽易候 交接勞復病新差未平  
交接感之其毒度著人  
如換易也

男為陽易女為陰手足俱拳力不任若有此  
般真少瘥督郵前事可傷心 此疾乃病後勞  
房證非陰陽易



也沉督郵病因交接而死乃勞房月矣外臺  
秘要云有婦人病傷寒或來不能走其或六  
七人姦之共賊者得婦人病可皆死此陰陽  
易仲景名曰陰陽易者如換易然是也因者  
所見則因可及之未  
取更俟來者

### 傷寒不可治

陽病之中陰脉見為相乍踈乍數代同方洩  
而腹滿難成寐身熱眸昏惚是亡目不明熱  
也治

### 傷寒陰證可汗候

少陰發熱太陰浮太陰脉浮宜桂枝湯脉候雖沉表尚

留二候可將微發汗小辛之藥病還瘳少陰發汗

宜麻黃細辛附子易解表

### 傷寒陰證可下候

太陰腹滿時時痛桂枝芍藥湯痛甚口燥咽

乾屬少陰宜大承氣久不大便并下利皆為積證

可推尋

### 傷寒表裏寒熱候

身熱欲衣寒在裏體寒裏熱不添衣先用參白虎  
後麻黃裏寒脉必沉遲見裏熱應須滑實歸

傷寒吐下後熱不除。

吐下俱曾病尚存日晡潮熱大便難狂言見

鬼頻空撮脉候弦生瀦命關直視宜大承氣

傷寒太陰經傷冷

胃中臍滿口唇青脉若沉時屬太陰冷物傷

脾成此證腹疼吐痢亦同音宜理中加陳皮青皮枳實理中

元五積散

傷寒陰證似陽

面紅身熱脉沉微煩燥陰證似陽隨醫莫悞

將為實熱反投涼藥即傾危四逆葱白湯

傷寒陽證似陰

脉滑而沉四肢冷此為陽證似陰當大便祕

澁并漩赤重者攻之淺者涼速用大承氣加輕粉下之仲景

云厥當下之者此也

傷寒陰盛隔陽

脉長細疾身常冷煩燥胃中不飲漿若飲水

時非此候此名陰盛隔其陽宜霹靂散火熅散丹砂元並主

之



傷寒吐衄證

吐衄本是厥陰居汗後重重表裏虛因致病  
人元藏冷致令虫出理梅祛先服理中元後服烏梅元

傷寒陰陽易

身重氣微陰腫入腹中絞痛熱衝胃婦人頭

重花生眼腰膝連臍重急痛燒褹散猴鼠糞湯竹皮湯乾薑

湯青竹茹湯當歸白朮湯

傷寒陰陽表裏

陽虛陰盛斯為表陽盛陰虛是裏房可汗下

之身即斃下之反汗命應亡

傷寒候

脉浮緊瀉頭疼重體急腰疼及惡寒面色不

舒并不躁傷寒無汗請詳看清便自利桂枝麻黃各半湯脉

弱婢一湯尺遲小建中

傷風候

寸浮尺緩傷風候體重頭疼面色光煩燥惡

風身自汗熱多寒少解肌良尺脉弱桂枝湯項强者桂枝加

葛根湯漏風桂枝加附子敗毒散獨活散

傷風證見傷寒脉

惡風發熱及兼煩手足微温四體難脉合反  
緩浮緊濇傷風之證脉傷寒用藥

傷寒熱病候

夏月病發似傷寒體重頭疼骨節痠發熱脉  
洪兼緊盛名為熱病可詳看汗用麻黃煩燥

大青龍發熱  
梔子升麻湯

傷寒中暑證

脉浮兼弱惡其寒身熱微微體不乾頭痛惡

心并熱燥此名中暑請詳看煩渴脉弱者白  
虎湯痰逆者橘

皮湯惡心煩  
燥者五苓散

傷寒溫瘧候

寸連尺部強洪盛先發蒸蒸後發寒重感寒  
邪先伏熱適名溫瘧可詳觀宜與小柴胡湯  
先寒後熱小柴

胡加桂枝湯  
白虎桂枝湯

傷寒風溫候

風溫尺寸脉俱浮體重頭疼汗自流嘿嘿欲  
眠其息喘四肢煩倦力難收萎蕤湯身熱者  
知母葛根湯有



湯者括萋根湯脉  
浮自汗防已湯

### 傷寒溫疫證

天氣當寒反熱腫不論老少病皆然此名時  
氣天行病因熱非時疫氣傳老君神明散螢  
火元聖散子敗  
毒散可選  
而用之良

### 傷寒中濕候

發熱體黃身痛攻小便不利大便通因傷雨  
霧山蒸氣致使令人中濕中當利小便細羊  
附子湯五苓散  
身疼者麻黃加白朮湯  
四肢腫者附子桂朮湯

### 傷寒風濕證

脉浮體痛難反覆額汗微微不去衣或是四  
肢微有腫此名風濕漸成痲宜麻黃杏仁薏  
苡仁甘草防已  
湯桂枝附子湯甘草附子  
湯朮附湯杏仁湯敗毒散

### 傷寒濕溫候

濕溫足冷腹中膨頭痛狂言及目疼自汗若  
還行發汗迺成重暈命難生白虎加  
蒼朮湯

### 傷寒濕毒

初春人病發斑紋咳嘔清涎心悶昏冬冒寒

邪春始發名爲溫毒是名存其膏主之嘔清  
汁橘皮葛根主

### 傷寒食積候

頭疼身熱惡寒憎身不煩疼左脉平氣口診  
之須緊盛此因脾熱食傷榮宜五積散  
黑神元

### 傷寒脚氣候

身熱頭痛肢節疼或時嘔逆脚難行行起忽  
倒并痿弱緩風濕痒脚中成小續命煩悶紫  
雪大便閉脾約  
元三腕散  
神功元

### 傷寒熱多寒少

熱多寒少有三形如瘧清便可表行脉弱及  
微非可汗尺遲血少可生榮清便且桂枝麻  
黃各半湯脉微  
弱者桂枝二越婢一湯尺  
脉遲者小建中加黃耆湯

### 傷寒潮熱證

大凡潮熱看虛實但熱無潮未可攻脉候弦  
浮爲外證尤宜解表是良工往來寒熱嘔者  
小柴胡若腹大  
滿不通者與  
小承氣湯

### 傷寒似瘧候



或問傷寒以瘧形太陽未表類其名陽明  
暮依然發熱入陰人血室成太陽服桂枝清便自可桂枝麻

黃一湯脉虛者桂枝實者承氣

### 傷寒往來寒熱候

往來寒熱陰陽勝此候看詳有數設陽損无

寒而後熱陰虧首熱尾仍寒往來寒熱嘔者小柴胡或汗下

後頭汗由宜桂枝乾薑湯治熱在裏大便久秘者大柴胡

### 傷寒汗之尚寒熱候

太陽汗後生寒熱用脉推詳表裏中脉若浮

洪猶可表診之實大裏堪攻脉浮數尚在長

一湯脉實可與大表胡承氣之類

### 傷寒發表無汗

傷寒發表仍無汗榮衛俱傷故使然榮衛已

和由未汗用之蒸法可求痊脉浮而遲不能作汗身痒者桂

枝麻黃各半湯陽明反無汗者木附湯黃者建中湯與之蒸法令汗出而解也

### 傷寒無汗候

傷寒七證身無汗冬候陽明及太陽剛瘧體

乾陰易閉三陰無汗可同房。

類聚二十九

九十三

傷寒自汗候

自汗淋淋有九名傷風中暑及陽明風濕風濕亡陽候柔痙少陰霍亂仍

傷寒頭汗候

裏虛表實令頭汗引飲須知熱在中不嘔惡

心猶在表心間緊滿水停育小便不飲水者五苓散往來

寒熱心悶者小柴胡

傷寒頭疼證

頭疼之證屬陽多膈上停痰作此痾厥陰嘔

吐連日背陽明胃實有其瘥或汗未汗頭如破者連其葱白

湯不止者葛根葱白湯陽明胃實者承氣散

陰嘔吐者吳茱萸湯膈上有痰者瓜蒂一味散吐之

傷寒三陽合病

傷寒體重難番覆面垢遺漩及妄言此是三

陽經合病不堪汗下察其原宜白虎湯自汗手足冷白虎加

人參主之

傷寒筋惕肉瞤候

筋惕肉瞤因多汗或是其人體素虛更被時

類聚二十九

九十五



癸卯二十九年

十一

師重汗下遂成此恙可蠲除宜玄武湯羸甚者去芍藥有熱起則頭眩茯苓桂枝白朮湯

### 傷寒藏結證

傷寒藏結無陽證飲食如常下痢多陽脉浮洪關脉細舌生胎滑命蹉跎

### 傷寒嘔候

渴而腹痛熱連湯嘔熱柴胡治少陽赤茯苓  
胃頭汗出虛煩不睡豉梔湯胃中有熱腹痛發熱者小柴胡不可與胃中有水赤茯苓陽虛煩不得眠者梔子生薑湯

### 傷寒吐候

不飲理中渴五苓厥須四逆嘔加生轉筋煩痛香薷用冷遲數熱渴煩稱渴而吐者五苓水者理中元手足厥冷者四逆湯脉欲絕者加猪膽汁心腹撮痛大煩躁脚轉筋中暑得之香薷散

### 傷寒霍亂證

霍亂多因中暑時恣食生冷露眠吹惡寒發熱宜溫表汗後而成此證非熱多而渴者五苓散寒多而不飲飲水者理中元手足厥者四逆湯脉欲絕者猪膽汁心腹撮痛者更煩燥轉筋中暑得

類聚

七六

之用香薷散沉極冷與之服

傷寒口燥咽乾

口燥咽乾脾藏熱致令津液少如然少陽口

苦陽明渴若遇少陰急與宣宜白虎湯人參湯少陽口苦咽

乾柴胡少陰當急下之

傷寒不得眠候

汗後難眠胃裏乾脉沉煩燥作陰看呻吟錯

語并乾嘔病瘥諸陽被熱干欲飲水者少與

渴者五苓散無表證者乾薑附子湯虛煩者

毒湯吐下後心煩乏氣發棗仁湯少陰二三  
日心煩黃連阿膠湯病愈不得睡者梔子烏  
湯梅

傷寒多眠候

狐惑唇黑色多般風濕息喘鼻中鼾少陰多

睡頻頻利少陽脇痛可詳看風温萎蕤湯狐

犀角湯雄黃銳散少陰者  
四逆湯少陽者小柴胡湯

傷寒漱水不欲嚥證

病人漱水無能嚥身熱頭疼必衄通無表發

斑胃腹滿此為瘀血在胃中有瘀血輕者犀  
角地黃湯重者



抵党湯  
抵党元

### 傷寒咳逆證

本虛攻熱胃中寒吐嘔生時溫可安黃渴躁  
煩前後祕解者通便治可觀胃寒者橘皮乾薑湯羌活散半  
夏生薑湯退陰散不差灸凡下  
陽證者小柴胡湯橘皮竹茹湯

### 傷寒發黃候

發黃濕熱停脾胃宿食難消故使然若是清  
便為瘀熱數兼飲水是其傳小便不利五苓  
寒欲發黃者瓜蒂末口含水搗有潮  
熱咳嗽者陽明脉浮者小柴胡湯

### 傷寒發斑候

傷寒兩證發斑紋溫毒仍兼胃爛成裏實表  
虛非可汗恐增斑爛命難存玄參升麻湯大  
雞子湯青四物湯猪膽

### 傷寒讖語候

傷寒胃實令讖語在裏多因反汗之得汗身  
和非可下胃中瘀血亦如斯大便難者調胃  
者小柴胡加桂枝下  
痢有燥尿小承氣湯

### 傷寒煩燥證

太陽因感風邪躁陰盛陽虛亦使然或是腸  
 中停燥屎更兼汗下有其傳有燥屎者承氣湯  
 小承氣湯少與之太陽傷風煩燥者太青龍湯寒  
 解先刺風池再服梓枝煩燥者太青龍湯寒  
 得病無熱但煩不安精神不與人相當俱與  
 五苓散五大錢服之當與新井水飲一升即  
 以指刺去立愈

傷寒太陽陽明合病

太陽病與陽明合脉大浮長尺寸間腰痛目  
 疼并下痢鼻乾頭痛兩相關宜葛根湯

傷寒太陽與少陽合病

太陽病合少陽經脉大浮弦自利侵口苦咽  
 乾胃脇痛往來寒熱嘔同音黃芩湯嘔者黃芩加半夏生薑湯

傷寒陽明二陽合病熱厥者不可發汗  
 陽明經合三陽病脉滑須知宿食停下利脉

長浮須候弦時土木自相刑有宿者承氣熱者小柴胡湯  
 傷寒表裏俱見證

傷寒表裏證俱形藥餌難投細審明此候但  
 將分表裏湯圓不可觸途行五苓散小柴胡喘而汗出葛根



皆苓黃  
連湯

傷寒表裏兩證俱見

脈浮而大汗宜之裏熱渴煩便赤時腹滿不  
便沉細裏惡寒頭汗表何疑

傷寒表裏不解

太陽表證未能除數下協熱利何如心下痞  
鞭諸證見表裏不解桂參除

傷寒有表復有裏

太陽得病不曾痊及下因而腹痛傳有表未

除生裏證桂枝芍藥大黃添

傷寒表不解

頭疼有熱小便清表在為宜用桂生桂證下  
之便不止脈促喘汗表尋程

傷寒無表裏證

表裏諸無汗下無不便宜用小柴胡承氣莫  
若大柴穩六七便鞭抵當蘇

論傷寒治法

大凡治病謹其初若不差殊病即蘇始若未

類聚

九

痊期汗下汗下有愈有無辜

備錄

醫方類聚卷之二十九

未與汗無汗不與汗宜小柴胡

謝次其來

交外不土

小柴胡湯

謝次其來

大黃湯

